

123

CODICES

124

venit. Spiritum sanctum tamq. columb. pro spiritum tamq. columb. Appropinquabit regnum dei pro appropinquavit. Scio quod sis sanctus dei pro qui sis. In synagogis eorum in omni galilea pro et in omni Galilaea. &c. Glossae Marginum ex Hieronymo et Beda depromptae sunt potissimum, quaedam, uti et interlineares, eadem sunt, quae in Bibliis glossatis supracit. ut adeo mirari fubeat Cl. Lambecium, qui L. II. p. 749. edit. Kollar. col. 526. eas omnes absque discrimine antiquas anonymi cujusdam Autoris Annotationes lectu dignissimas adpellat. Neque illud verius, quod eod. l. affirmat, Scripturam hujus Codicis fere eandem esse, quae cernitur in Epistolis S. Pauli Mariani Scoti propria manu exaratis, et Cod. LVIII. indicatis.

LIV.

395 Codex membraneus lat. Sec. XIII. Folior. 127. 4. continet Evangelium secundum Lucam caractere luculento exaratum in medio, latus utrinque stipante Glossa Ordinaria minutius scripta, cui inter lineas Textus accedit et altera ab situ vulgo interlinearis adpellata. Praeit, ut in Bibliis Glossatis solet, Hieronymi Prologus, qui incipit: Lucas frus antiochenus arte medicus discipulus apostolorum &c. Evangelii Capita, quae sine Versuum distinctione decurrunt, indiligenter in margine adnotata sunt.

Codici praetexta est membrana idiomate germanico, qua Abbas Chunradus et Conventus ad S. Crucem in Austria infer. vendunt Chunrado Dietrici filio ejusque uxori Catharinae duas vineas in Pfaffsteten, quarum una dicta daz Smaizzl, altera der Hekinger. Der brif ist Geben noch Christus gepurd dreuczechen Hundert iar darnach in dem ains vnd funfzigisten iar dez Ersten Sonntags in den vier Tagen. Itaque Dom. I. Quadrag. aut, si Ecclesiam sequere, Dom. III. Adv.

LV. VI. H. 2.

Codex chartaceus lat. Sec. 640 XV. Folior. 19. 4. continet IV. Passiones Evangelistarum Matthaei, Marci, Lucae et Johannis. Initium: Passio domini nostri ihesu cristi secundum matheum. In illo tempore dixit ihesus discipulis suis. Scitis quia post biduum &c. Inscriptio Johannis: Passio sine salutatione secundum Johannem, innuit, dum haec Passio feria VI. in Parasceve legitur, ad id, quod in tono Evangelii legendum est, non peti Benedictionem, non deferri Luminaria, neque Incensum &c. ut est in Rituali, secus ac diebus praecedentibus, quibus aliae Passiones leguntur.

LVI. VII. F. X.

Codex chartaceus lat. Sec. 457 XV. Folior. 150. 4. currente calamo scriptus continet Epistolas Pauli, Petri, Johannis, Judae et Ju-

*Jacobi* notulis ex utraque *Glossa* hinc inde adspersas. *Fol.* 41. p. 2. per errorem inchoata est *Prima ad Thessalonic.* post *Secundam ad Corinth.* sed loco suo integra recurrit. *Prima Job.* c. 5. Testimonium duplex sic conceptum est: *quia tres sunt qui testimonium dant in terra. spiritus, aqua et sanguis, et tres unum sunt, et tres sunt qui testimonium dant in celo Pater verbum et spiritus et hij tres unum sunt.* *Jacobi* Epistola ultima posita est; monetur tamen in calce: *Explicit epistola beati Jacobi Apostoli, Que in ordine aliarum epistolarum Canoniarum debet esse prior, ut patet in prologo huius epistole;* sunt enim Epistolis praefixa brevia Summaria. Ceterum exigui momenti Codex.

LVII. VI. E 24.

312 Codex membraneus lat. Sec. X. Folior. 144. f. luculente scriptus, literisque initialibus quadratis picturatis decorus complectitur: I. *Divi Pauli Apostoli Epistolas* XIV. ita, ut Epistola *ad Coloss.* postponatur binis *ad Thessalonic.* et Epistolae *ad Hebr.* adtexta sit spuria *ad Laodicenses.* Praemittitur primo suppresso nomine *Praefatio generalis Hieronymi in omnes Pauli Epistolas* ita: *Incipit Prologus. Primum quaeritur quemadmodum post Euangelia quae Supplementum legis sunt &c. Sequitur specialis ejusdem in Epistolam ad Rom.* hic inscripta: *Item. De Romanis aliud Argumentum. Romani qui ex iudeis gentilibusque*

*crediderant &c.* Demum subnectitur locus ille e *Comment. in Epist. ad Galat.* de quo ad *Cod.* LVIII. Epistolae ipsae non tantum utroque latere, sed inter ipsas etiam lineas stipantur expositionibus minuto charactere exaratis, e *Beda, Hrabano* et *Glossa Ordinaria* ut plurimum depromptis. Epistola *ad Rom.* secta est in Particulas LI. Binae *ad Corinthios* praeferunt Indicem *Capitulorum.* Prima quidem LXXII. altera XXVIII. Sub finem *Epist. ad Galat.* voci *Stigmata* recentior paullo manus inscripsit *alagiuuis ceican.* Praeter *Summaria* Epistolis praefixa, et in antiquioribus etiam Bibliorum editionibus obvia *Epistolae ad Hebr.* praemissus est *Prologus,* qui in *Bibliis glossatis* inscribitur *Argumentum,* et incipit: *In primis dicendum est quur apostolus paulus in hac epistola scribendo non servauerit morem suum &c.* Ultima est *Epistola ad Laodicenses* absque ullis notis.

II. *fol.* 120. *Incipiunt Epistolae Canonicae. Feliciter. Incipit Prologus.* Idem *Hieronymi* qui praefixus est in *Bibl. glossat.* et infit: *Non ita ordo est apud Grecos &c.* Occurrunt et hic *Glossae Theotiscaae:* integre. *kanzo.* quodammodo *ceddes licherouuis.* corrodendam *ce zanonne,* *ce chiuuanne.* falsarium *lugenare.* corruptorem *Zkntbrecherare.* Epistolae ipsae ordine recepto se consequuntur, praemissis cuilibet *capitulis,* aut, ut hic etiam adpellantur, *Brevibus.* Tituli et Clausulae omnium literis majusculis coloratis.